

摘藻堂四庫全書薈要

集部

欽定四庫全書薈要

集部

劍南詩藁卷五

詳校官助教臣謝登雋



欽定四庫全書薈要卷一萬五千四百九十五

集部

劔南詩彙卷五

宋 陸游 撰

曉歎

鴉飛鳴窗已白推枕欲起先歎息翠華東巡五十年

赤縣神州滿荆棘主憂臣辱古所云世間有粟吾得食  
少年論兵實狂妄諫官劾奏當竄殛不為孤囚死嶺海  
君恩如天豈終極容身有祿愧滿顏立功無期淚橫臆

未聞含桃薦宗廟至今銅駝沒荆棘幽并從古多烈士  
悵悵可令長失職王師入秦駐一月傳檄足定河南北  
安得揚鞭出散關下令一變旌旗色

苦筍

藜藿盤中忽眼明駢頭脫襖白玉嬰極知耿介種性別  
苦節乃與生俱生我見魏徵殊媚嫵約束兒童勿多取  
人才自古要養成放使干霄戰風雨

月下作

池上迎微風柏間蹋涼月冷然醉夢醒一洗煩惱熱嗟  
予世外人火食常嘔噎易求雲表露難覓大古雪況欲  
試祕方瓊漿和玉屑俯首居俗間愁若鷹在絀惟茲服  
月芒比歲稍得訣但今天無雲豈復計園缺玉鉤定誰  
挂冰輪了無轍詩成獨高詠靈府炯澄澈

又

畏暑不巾襪步月楮短筇瘦身髮鬢髻顧影如孤松徑  
幽螢闔開池漲魚噉鴨飛泉穿北垣珠玉相撞春東湖

更奇絕百畝銀初鎔但能抱琴往絕恨欠鶴從重露傾  
荷盤微風墮芙蓉歡言美清夜縹渺吹疎鐘空中飛僊  
人粲然冰雪容笑我老塵世不記瑤臺逢

小宴

洗君鸚鵡盃酌我蒲萄醅冒雨鷺不去過春花續開英  
雄漫青史富貴亦黃埃今夕湖邊醉還須秉燭回

小閣納涼

侵牀月白病全蘇掠面風清酒欲無渺渺塘陰下鷗鷺

蕭蕭秋意滿菰蒲縱輸煙渡橫孤艇也勝京塵暗九衢  
莫遣良工更摹寫此詩端是卧遊圖

晨雨

揮汗驅蚊廢夜眠清晨一雨便翛然涼生池閣衣巾爽  
潤入園林草木鮮青蒨雲腹開鬪茗翠甕玉液取寒泉  
飯餘一枕華胥夢不怪門生笑腹便

湖上筍盛出戲作長句

臍臍穿苔瑇瑁簪按行日夜待成林養渠百尺干霄氣

見我平生及物心，剩插藩籬憂玉折。  
豫期風雨聽龍吟，明年又徙囊衣去。  
誰與平安報好音。

雨後集湖上

野水交流自滿畦，芳池新漲恰平堤。  
花藏密葉多時在，鶯占高枝盡日啼。  
繡袂寶裙催結束，金樽翠杓共提携。  
白頭自喜能狂在，笑襖蠻牋落醉題。

過大蓬嶺度繩橋至杜秀才山莊

度笮臨千仞，梯山躡半空。  
濕雲朝莫雨，陰壑古今風。  
亭



觀參差見闌干詰曲通柳空叢篠出松偃翠蘿蒙負籠  
銀釵女鉏畬鶴髮翁何由有餘俸小築此山中

宿杜氏晨起遇雨

怪藤十圍蔽白日老木千尺干青霄水泛憂灘竹作舫  
陸行跨空繩繫橋陰陰古屋精靈語慘慘江雲蛟鰐驕  
吾道非耶行至此諸公正散紫宸朝

翠園院

曉入翠園寺擁門千萬峰山空鳥自命林茂鹿相從嬾

嫺風中符昏昏雲外鐘將歸興未盡清嘯倚長松

野飯

蕙實炊明珠苦筍饌白玉輪因斲區芋芳辛采山藪山  
深少鹽酪淡薄至味足往往八十翁登山逐犇鹿可憐

城南社零落依澗曲面餘作詩瘦趨拜尚不俗

杜氏自譜以為

子美下硤畱一子守浣花舊業其後避成都亂徙眉州大壩或徙大蓬云

病夫益倦遊頗願

老窮谷是家吾所慕食菜如食肉時能喚鄰里小甕酒新  
漉何必懷故鄉下箸厭雁鶩

化成院

翠圍至化成七里幾千盤肩輿掀淖歎息行路難緣  
坡忽入谷蜿蜒蒼龍蟠孤墻挿空起雙栂當夏寒飛屐  
到上方漸覺所見寬前山橫一几稻陂白漫漫肥僧大  
腰腹呀喘趨迎官走疾不得語坐定汗未乾高人遺世  
事跣趺穴蒲團作此望塵態豈如返巾冠日落聞鹿鳴感  
我平生歡客遊殊未已芳歲行當闌

慈雲院東閣小憩

橫閣院東偏  
翛然拂榻眠  
香濃煙穗直  
茶嫩乳花圓  
巖倚團團桂  
筒分細細泉  
憑誰為題版  
榜作小壺天

遊靈鷲寺堂中僧閒然獨作禮  
開山定心尊者尊  
者唐人有問法者輒點芻示之時號點點和尚

半世吳松理釣絲  
蜀山著腳豈前知  
雲堂已散三三衆  
卯塢空尋點點師  
戴雪數峰臨峭絕  
浮花一水舞淪漪  
寺西望雪山  
勞生未盡能  
重到應掃流塵  
讀此詩

桃源

木缺橋橫一徑微，斷煙殘靄晚霏霏。  
十年倦客明雙眼，五月遊人換夾衣。  
翠峽束成寒練靜，蒼崖濺落素鮫飛。  
爾來自笑癡頑甚，著處吟哦不記歸。

白堦院

時小雨  
初霽

冷翠千竿玉浮嵐，萬幅屏憑欄避微雨。  
挈笠遇歸僧殘日，明樓角屯雲擁堦層。  
溪山屬閒客，隨意倚枯藤。

急雨

炎炎赤日當空燒，簿書圍坐如居窯。  
黑雲壓簷忽岩峩，

急雨鼎來風駕潮，彈壓旱氣蘇枯焦。  
祝融退聽不敢驕，父老歌舞看稻苗。  
殺雞買酒更相邀，我亦巾褐涼蕭蕭。  
酒醒點滴聞梧蕉，珍簾不御扇罷搖。  
安用萬里登凌歊，東湖新竹

挿棘編籬謹護持，養成寒碧映淪漪。  
清風掠地秋先到，赤日行天午不知。  
解籜時聞聲簌簌，放梢初見影離離。  
官閒我欲頻來此，枕簟仍教到處隨。

睡起試茶

笛材細織含風漪蟬翼新裁雲碧帷端溪硯璞斷作枕  
素屏畫出月墮空江時朱欄碧甃玉色井自候銀鉶試  
蒙頂門前剝啄不嫌渠但恨此味無人領

五月五日蜀州放解榜第一人楊鑑具慶下孤生  
愴然有感

甲午五月之庚寅淵魚躍起三江津震雷霆雨夜達晨  
我知決定非凡鱗人生富貴不逮親萬鍾五鼎空酸辛  
少年得祿羞常珍調節滋味躬爨薪徹食奉盥授帨巾

此樂豈復論賤貧嗟我不孝負鬼神俯仰二紀悲如新  
仕宦空飽息與嬪左右供養無復辰子行射策對楓宸  
綵衣楚楚映華紳沂江亟歸娛老人切勿著意長安春  
病酒新愈獨卧頻風閣戲書

用酒驅愁如伐國敵雖摧破吾亦病狂呼起舞先自困  
閉戶垂帷真廟勝今朝屏事卧湖邊不但心空兼耳靜  
自燒沉水瀹紫筍聊遣森嚴配堅正

紫筍蒙頂之上  
者其味尤重

追

思昨日乃可笑倚醉題詩恣豪橫逝從屈子學獨醒免



使曹公怪中聖

神君歌

謁英顯廟作

泰山可為礪東海可揚塵惟有壯士志死生要一伸我  
夢神君自天下威儀奕奕難具陳飛龍駕車不用馬訶  
前殿後皆鬼神奇形詭狀密如魚鱗鱗鱗齧齧爭扶車  
輪黑纛白旄其來無垠黃霧紫氛合散輪囷考錄魑魅  
號呼吟呻約束蛟螭天矯服馴後車百兩載美人巾褱  
鮮麗工笑顰金尊翠杓溢芳醇琵琶箏篴飾怪珍世間

局促常悲辛神君歡樂千萬春  
嗚呼生不封侯死廟食  
丈夫豈得抱志長默默

讀胡基仲舊詩有感

少日飛騰翰墨場  
莫年相見尚昂藏  
沈沙舟畔千帆過  
剪翮籠邊百鳥翔  
訪古每思春並轡  
說詩仍記夜連牀  
匆匆去日多於髮  
不獨悲君亦自傷

夏日湖上

烏帽筇杖散客愁  
不妨胥吏雜沙鷗  
迎風枕簟平欺暑

近水簾櫳探借秋茶竈遠從林下見釣筒常向月中收  
江湖四十餘年夢豈信人間有蜀州

對酒歎

鏡雖明不能使醜者妍酒雖美不能使悲者樂男子之  
生桑弧蓬矢射四方古人所懷何磊落我欲北臨黃河  
觀禹功烽烟昏昏塵漠漠又欲南適蒼梧弔虞舜九疑  
難尋眇聯絡惟有一片心可受生死託千金輕擲重意  
氣百舍孤征赴然諾或攜短劒隱紅塵亦入名山燒大

藥兒女何足顧歲月不貸人黑貂十年弊白髮一朝新  
半酣耿耿不自得清嘯長歌裂金石曲終四座慘悲風  
人人掩淚無人色

病後暑雨書懷

髮毛蕭颯疾初平雲物輪囷氣未清  
水漲小亭無路到雨多幽草上牆生  
窗昏頻減讐書課屋老時聞墮瓦聲  
止酒亡聊還自笑少年豪飲似長鯨

雨聲

暑氣滿天地薄莫加煩促清風吹急雨集我北窗竹竹  
聲蕭蕭固自奇況得雨聲相發揮令人忽憶雲門寺半  
夜長松墮雪時

同何元立賞荷花追懷鏡湖舊遊

少狂欺酒氣吐虹一笑未了千觴空涼堂下簾人似玉  
月色泠泠透湘竹三更畫船穿藕花花為四壁船為家  
不須更踏花底藕但嗅花香已無酒花深不見畫船行  
天風空吹白紵聲雙槳歸來弄湖水往往湖邊人已起

即今憔悴不堪論  
賴有何郎共此尊  
紅綠疎疎君勿歎  
漢嘉去歲無荷着

小樓

吾州近在西山麓  
雪山萬仞臨冰谷  
小樓森森閱三伏  
清簾疎簾對碁局  
肌膚凜凜起芒粟  
肝肺崢嶸疊瓊玉  
香泉向夕初罷浴  
桐竹生風吹細穀  
九衢憧憧車擊轂  
黃塵赤日汗可掬  
還家欲休客陸續  
借與此詩令一讀

怡齋

東湖仲夏草樹荒屋古無人亭午涼萱房微呀不見日  
筍籜自解時吹香野藤蟠曲入窗罅濕茵扶疎生屋梁  
跨溝數椽最幽翳漲水及檻雨敗牆靜涵青蘋舞藻荇  
閒立白鷺浮鴛鴦笑渠雖瘦亦瀰漫照眼翠蓋遮紅粧  
水紋珍簟欲卷却團團素扇嬾復將天風忽送墪鈴語  
喚覺清夢遊瀟湘

龍湫歌

環湫巨木老不花瀟淪千尺龍所家爪痕入木欲數寸

觀者心掉不敢譁去年大旱綿千里禾不立苗麥垂死  
林神社鬼無奈何老龍欠伸徐一起隆隆之雷浩浩風  
倒卷江水傾虛空鱗間出火作飛電金蛇夜掣層雲中  
明朝父老來賽雨大巫吹簫小巫舞祠門人散月娟娟  
龍歸抱珠湫底眠

月夕

我昔隱天台夜半遊句曲弄月過垂虹萬頃一片玉煙  
艇起菱唱水風吹釣絲更欲小徙倚恐失初平期今年



遊青城三十六峰巒白雲反在下使我毛骨寒天如玻  
璃鍾倒覆濕銀海素壁行其間草木盡光彩姮娥顧我  
笑手撫玉兔兒莫怪世人生白髮秋風桂老欲無枝

蒸暑思梁州述懷

宣和之末予始生遭亂不及遊司并從軍梁州亦少慰  
土脉深厚泉流清季秋嶺谷浩積雪二月草木初抽萌  
夏中高涼最可喜不省舉手驅蟲蟲藏冰一出賣滿市  
玉璞堆積寒崢嶸柳陰夜卧千駟馬沙上露宿連營兵

邊笳吹墮漾水月烽燧傳到山南城最思出甲戌秦隴  
戈戟徹夜相摩聲兩年劒南走塵土肺熱煩促無時平  
荒池昏夜蛙閣閣食案白日蠅營營何時王師自天下  
雷雨瀕洞收攬搶老生衰病畏暑濕思卜鄠杜開柴荆  
湖上晚歸

地僻多幽事官閒慰古心晚花藏密葉新筍補疎林碩  
果畦丁獻芳醪稚子斟碧雲遮日盡歸路更蕭森

秋聲

人言悲秋難為情我喜枕上聞秋聲快鷹下韝爪嘴健  
壯士撫劍精神生我亦奮迅起衰病唾手便有提戈興  
弦開雁落詩亦成筆力未饒弓力勁五原草枯首蒼空  
青海蕭蕭風卷蓬草罷捷書重上馬却從鑾駕下遼東

觀小孤山圖

江平風不生鏡面渺千里軻我萬斛舟遠望一點耳大  
孤江中央四面峭挿水小孤特奇麗丹翠凌雲起重樓  
邃殿神之家帳中美人粲如花遊人徙倚欄干處俊鵲

橫江東北去

飲酒

陸生學道欠力量  
胃次未能和盎盎  
百年自笑足悲歡  
萬事聊須付酣暢  
有時堆阜起崢嶸  
大呼索酒澆使平  
世間豈無道師與  
禪老不如閉門參  
麴生朋舊年來散  
如水惟有鐫杓同  
生死一日不見令  
人愁晝夜共處終  
無尤世言有毒在  
麴蘖腐脇穿腸凝  
血脉人生適意即  
為之醉死愁生君  
自擇

北窗梧葉坐間落四五有感

高梧一葉脫便覺秋不遠晨起髮滿梳吾衰孰云晚古  
來追電足歷塊或小踈金鼓噪陳間此任豈駕寒女子  
則多怨丈夫當自反默觀憂患機推見生死本山林嫌  
獨往臺省亦衮衮會稽歸去來臯橋住差穩

神山歌

吾聞海中五神山其根戴以十五黿一朝六黿被釣去  
岱輿負嶠沉洪濤尚餘三山巋然在當時不沒爭秋毫

如何蓬萊又已淺忽見平地生藜蒿伏羲迨今幾萬歲  
世事如火煎油膏娶妻不敢待翁命治水無暇憐兒號  
避讒犇楚僅得免歷聘返魯終不遭老聃關尹亦又死  
人實危脆無堅牢有口惟可飲醇醪有手惟可持霜螯  
勿令他人復笑汝後有萬世來滔滔

久雨

昏昏風雨暗東湖恰似梅黃四月初高樹送聲驚客枕  
小池分溜入清渠飛蚊屏迹知何在團扇生塵已暗疎

須信西遊有奇事今年三伏夜觀書

古意

紕足飼飢鷹鷹飽意未平伏櫪豈不安老驥終悲鳴士  
生固欲達又懼徒富貴素願有未伸五鼎淡無味茅屋  
秋雨漏稻陂春水深長歌傾濁酒舉世不知心

自唐安之成都

出門猶苦雨度塹喜新晴日正車無影風高蓋有聲疎  
疎稚苗立鬱鬱晚桑生宿醉行猶倦無人為解醒

度筰

江原縣

翩翩翻翻筰受風行人疾走緣虛空回觀目眩浪花上  
小跌身裏蛟涎中汗沾兩握色如菜數乘此險私自怪  
九折元非叱馭行千金空犯垂堂戒此身老大足悲傷  
歲歲天涯憶故鄉安得畫船明月夜滿川歌吹入盤閭

盤閭姑蘇  
二門名

故袍

青衫猶是國工裁破篋塵侵手自開莫笑渾如霜葉闌



兩朝曾見聖君來

寓寶相有作

掃地鏡面清燒香雲氣潤道人敬愛客危坐目不瞬童  
子髡兩髦經禪亦精進我來願同龕歡喜無少吝臨堂  
坐夜分佛燈看墮燼清晨爽如秋攝衣相問訊道在氛  
埃表此語其殆信永愧小阮高超然棄鬚鬢

從子綽棄其婦為僧

廬山

寓驛舍

子三至成都皆館于是

閒坊古驛掩朱扉又憩空堂綻客衣  
九萬里中鯢自化一千年外鶴仍歸  
遠庭數竹饒新筍解帶量松長舊圍  
惟有壁間詩句在暗塵殘墨兩依依

題宇文子友所藏薛公鶴

仙人騏驥絕世稀卯生凡禽似而非  
宮保妙筆窮化機縞衣玄裳真令威  
千年華表聊一歸回首幸脫桀軒譏  
喙吞不恨菰米微從吾曹遊安得肥

宴西樓

西樓遺跡尚豪雄  
錦繡笙簫在半空  
萬里因循成久客  
一年容易又秋風  
燭光低映珠簾麗  
酒暈徐添玉頰紅  
歸路迎涼更堪愛  
摩訶池上月方中

月中歸驛舍

六月十四日

歲歲常為錦水行  
驛前雙堠慣逢迎  
草深閒院蟲相語  
人靜空廊月自明  
病起酒徒嘲小戶  
才衰詩律愧長城  
何時却泛耶溪路  
卧聽菱歌四面聲

江瀆池醉歸馬上作

久住西州似宿緣笙歌叢裏著華顛每嗟相見多生客  
却憶初來尚少年迎馬綠楊爭拂帽滿街丹荔不論錢  
浮生何處非羈旅休問東吳萬里船

離成都後却寄公壽子友德稱

蕭條常閉爵羅門點檢朋儕幾箇存吾道將為天下裂  
此心難與俗人言逢時尚可還三代掩卷何由作九原  
寄語龜城舊交道新涼殊憶共清尊

晨至湖上

劒南無劇暑長夏更宜人啼鳥常終日幽花不減春荷  
香浮綠酒藤露落烏巾莫作天涯想翛然夢裏身

又

園古逢秋好身閒與嬾宜空堂賞疎豁重閣望參差竹  
粉有新意松風含古姿低回慙祿米官事少於詩

池上見魚躍有懷姑孰舊遊

雨過回塘漲碧漪幽人閒照角巾歌銀刀忽裂圓波出  
宛似姑溪晚泊時

六月二十五日曉出郊

劒南作客歲再淹正如病翼遭糲黏短衣射虎性所樂  
不耐齷齪垂車幘今晨偶出得一快欣然意若脫楚鉗  
曉星已疎更磊磊殘月欲盡猶纖纖鷄鳴已與夜漏斷  
鴉起似逐朝陽遲初鞭走馬忘老憊自笑狂疾何由斂  
作雨不成終夜極涼時去立秋五日也

雲映星芒澹風闌雨脚回體輕知病去氣爽喜秋來疎  
放拋烏帽歌呼覆綠盃東歸定何日豔潏欲崔嵬

池上晚雨

烏紗白葛一枝筇，  
卷畫池邊溯晚風。  
雲葉初生高樹外，  
雨聲已到亂荷中。  
憑闌頓覺氛埃遠，  
回首方知暑毒空。  
閱世萬端惟小忍，  
何人更事似衰翁。

五十

五十未名老無如，  
衰疾何肺肝空。  
激烈顏鬢已蹉跎，  
夜宴看長劒秋風。  
舞短簑此身如砥柱，  
猶足閱頽波。

記夢

夢泛扁舟禹廟前中流拂面風冷然樓臺縹緲知幾疊  
雲物點綴多餘妍蓮房芡實采無主漁歌菱唱聲滿川  
夢中了了知是夢却恐燕語來驚眠弄橈顧謂共載客  
乖離不記經幾年即今相逢兩幻質轉瞬變滅如飛煙  
斯言未竟客大笑人生寓世豈獨堅元章嘉叟君所見  
一別丹旄俱翩翩君知夢覺本無異勿為畫麤流饒涎  
我慙俛首夢亦斷尚覺細浪鳴船舷

## 憑欄



蟬鳴晚尤壯鴉栖久未安不成浮舴艋故作憑闌干露  
重傾荷蓋風尖感芙蓉盤新秋動歸思更覺五湖寬

### 聽琴

疎簾曲檻蘋風涼細腰美人藕絲裳綠藤水紋穿矮牀  
玉指纖纖彈履霜高林鶯轉日正長幽澗泉鳴夜未央  
哀思不怨和而莊有齊淑女禮自防世人但惑青樓倡  
琵琶箜篌雜西羌試聽一曲醒汝狂文姬指法傳中郎

### 秋思

烈日炎天欲不禁，喜逢秋色到園林。  
雲陰映日初蕭瑟，露氣侵簾已峭深。  
衰髮凋零隨槁葉，苦吟淒斷雜疎砧。  
鴈來不得中原信，撫劍何人識壯心。

醉書

似閒有俸錢，似仕無簿書。  
似長免事仕，似屬非走趨。  
病能加餐飯，老與酒不疎。  
婆婆東湖上，幽曠足自娛。  
時時喚客醉，小閣臨紅渠。  
釣魚斫銀絲，擘荔見玉膚。  
檀槽列四十，遺聲傳故都。  
豈惟豪兩川，自足誇東吳。  
但恨詩不

進榛荒失耘鋤何當掃纖豔傑作追黃初

楚氏莊龜泉

曳尾穹龜不負圖一泓寒碧照庭除醉中只合長來此  
卧聽蠻童放轆轤

書懷

楚澤巴江兩鬢殘夕陽又是倚闌干敢言日與長安遠  
惟恨天如蜀道難客枕五更歸夢短新詩千首後人看  
青簾白舫何時發醉聽琵琶興已闌

唐安弦索  
為兩川冠

又

西風蕭瑟晚吹衣  
又見亭皋木葉飛  
已是中年頻作惡  
更堪秋日送將歸  
時何守還青城  
黃塵顏鬢無人識  
青史功名與願違  
彊把一盃還徑醉  
羈懷何必不依依

秋思

大面山前秋笛清  
細腰宮畔莫灘平  
吳檣楚柁動歸思  
隴月巴雲空復情  
萬里風塵舊朝士  
百年鉛槧老書生  
水村漁市從今始  
安用區區海內名

又

巢燕成歸秋景奇  
頗容老子醉哦詩  
山晴更覺雲含態  
風定閒看水弄姿  
痛飲何由從次道  
並遊空復憶安期  
天涯又作經年客  
莫對青銅恨鬢絲

又

西風吹葉滿湖邊  
初換秋衣獨慨然  
白首有詩悲蜀道  
清宵無夢到鈞天  
迂疎早不營三窟  
流落今寧直一錢  
把酒未妨餘興在  
試憑絲管餞流年

東園晚步

久客天涯憶故園  
彊名官寺只衡門  
秋桐蠹遍無全葉  
古柳吹斜出半根  
痛飲每思尊酒窄  
微官空羨布衣尊  
何時定下三巴去  
思卧孤舟聽斷猿

秋夜讀書戲作

別駕生涯似蠹魚  
簡編垂老未相疎  
也知賦得寒儒分  
五十燈前見細書

太平花

花出劒南似桃西  
出千百色駢萃成  
朶天聖中獻至京  
師仁宗賜名太平  
花

扶牀踉蹌出京華  
頭白車書未一家  
宵旰至今勞聖主  
淚痕空對太平花

日莫至湖上

藍輿晚繞湖樂此新秋涼  
粉落竹方老紅凋荷更香  
天宇無纖雲仰視鴻鵠翔  
小樓久不登撫檻悲慨慷  
浮生寄一夢共盡無彭殤  
況我數月客轉眼促去裝  
顧作兒女態徘徊惜流光  
簷角迎夜月林間送斜陽  
四年已五遷終歲常遑遑  
安得一節屋歸老樵風旁

會稽山南有溪名樵風涇

其上即  
若耶

# 秋興

無處逢秋不黯然  
驛前斜日渡頭煙  
吟肩雅與寒驢稱  
歸夢頻爭社燕先  
百歲猶穿幾兩屐  
千詩不及一囊錢  
故應身世如團扇  
已向人間耐棄捐

# 秋色

一段淒涼傍酒盃  
中年剩作楚囚哀  
迢迢似伴明河出  
慘慘如隨落照來  
客路半生常淚眼  
鄉關萬里更危臺



蓼汀荻浦江南岸自入秋來夢幾回

### 秋聲

蕭騷拂樹過中庭何處人間有此聲漲水雨餘晨放閘  
騎兵戰罷夜還營閒憑曲几聽雖久彊撫哀弦寫不成  
暑退涼生君勿喜一年光景又崢嶸

### 觀長安城圖

許國雖堅鬢已斑山南經歲望南山橫戈上馬嗟心在  
穿塹環城笑敵孱謀者言彼穿塹三重環長安城日暮風煙傳隴上秋

高刁斗落雲間三秦父老應惆悵不見王師出散關

雨中作

方驚歲更端不覺秋已孟雖云暑毒埃無奈風雨橫荷  
空湖面濶葉脫樹枝勁百卉亦已衰非復昔華盛遊子  
老忘歸一榻卧衰病欲談無客來向壁弄塵柄

夜讀了翁遺文有感

秋雨蕭蕭夜不眠挑燈開卷意凄然吾曹自欲期千載  
世論何曾待百年當日公卿笑迂濶即今兵甲遍幽燕

陰陽消長從來事玩易深知屢絕編

公有易傳

# 雷

君不見冬月雷深藏九地底寂默如寒灰紛紛槁葉木  
盡脫蠢蠢蟄戶蟲爭垤堅冰積雪一朝盡風搖天邊斗  
柄回雷聲却擘九地出殷殷似挾春俱來魚龍振鱗熟  
睡醒桃李一笑韶顏開候耕老農喜欲舞掀泥百草知  
誰催惟嗟婦女不解事深屋掩耳藏嬰孩吾聞陰陽有  
常數非時動靜皆為菑無人為報阿香道時來何至勞

卿推

龍眠畫馬

國家一從失西陲年年買馬西南夷瘴鄉所產非權奇

邊頭歲入幾番

一作數

皮崔嵬瘦骨帶火印離立欲不禁

風吹圉人太僕空列位龍媒汗血來何時李公太平官  
京師立仗慣見渥洼姿斷縑歲久墨色暗逸氣尚若不  
可羈賞奇好古自一癖感事憂國空餘悲嗚呼安得毛  
骨若此三千足街枚夜度桑乾磧

秋夜池上作

短髮颼颼病骨輕  
臨池閒看露荷傾  
月明何與浮雲事  
正向圓時故故生

秋雨

西山雲千重東園泥一尺  
可憐牆下路十日無履跡空  
庭桐葉盡古甃土花碧  
坐懷江湖間病鴈濕羽翮  
寒窗向人青衰髮垂領白  
孤吟更不寐聊伴候蟲嘖

卧病

人生寓一氣血脉日夜流秋毫或壅隔百體若相仇嗟  
予少多艱衣食拙自謀方寸叢百慮如箭集射侯奔走  
連數歲呻吟劇茲秋生死亦何有成壞同一漚胡為不  
自愛森然起戈矛一笑衆妄滅霜天鷹睨講呼兒屏藥  
囊吾疾今其瘳

夢入禪林有老宿方陞座或云通悟禪師

塵埃車馬何憧憧頭鼠目厭妄庸樂哉夢見德人容  
巍巍堂堂人中龍舉頭仰望太華峰攝衣欲往路無從

忽然夢斷難再逢空記說法聲如鐘

蜀州大閱

八月二十七日

曉束戎衣一悵然五年奔走遍窮邊平生亭障休兵日  
慘澹風雲閱武天戍隴舊遊真一夢渡遼奇事付他年  
劉琨晚抱聞雞恨安得英雄共著鞭

放懷亭獨立有感

葦叢枯倒蓼花紅小立東湖更向東委肉本知居机上  
翦翎何恨著籠中一筇信腳乾坤迤百榼澆愁寵辱空

誰道窮途知舊少此心念念與天通

九月三日同呂周輔教授

遊大邑諸山

大邑知名杜叟詩山中仍值菊花時節旄落盡羈臣老  
髀肉生來壯士悲豪舉每嫌盃綠淺癡頑頗怪鬢絲遲  
廣文別蔡官俱冷相伴寬為五日期

次韻周輔道中

山靈喜我馬蹄聲正用此時秋雨晴日淡風斜江上路  
蘆花也似柳花輕



又

從來重九如寒食天氣微陰正自佳  
莫問茱萸賜朝士  
一尊隨處有黃花

憩黃秀才書堂

吾生如虛舟萬里常泛泛終年厭作客  
著處思繫纜  
道邊何人居花竹頗閒淡門庭淨如拭  
窗几光可鑑  
堂上滿架書朱黃方點勘把茅容卜隣  
老死更誰憾

夜宿鵲鳴山

山蓋張天師學道之地  
事與史合

西遊萬里已關天采藥名山亦宿緣老柏干霄如許壽  
幽花泣露為誰妍苔黏石磴捫蘿上燈耿雲房掃榻眠  
安得仙翁索米術一生畱此弄寒泉

索米謂五  
斗米法

次韻周輔霧中作

一日籃輿十過溪丹萸黃菊及佳時端居恐作他年恨  
聯轡聊成此段奇側磴下臨重澗黑亂雲高出一峯危  
何時關輔烟塵靜大華山頭更卜期

山中得長句戲呈周輔并簡朱縣丞

鶴鳴山空無鶴來青霞嶂深天壁開千巖角逐互吞吐

一峰拔起矜崔嵬日光微漏潭見底

青霞嶂碧玉潭  
皆霧中佳處

水氣

上薄雲成堆幽禽飛鳴報客至奇樹璀璨知誰栽花藤  
怪蔓白晝暗奔猿落狄無時哀路窮尚躡一千級忽見  
密竹藏樓臺共言神僧昔住此至今光景如天台楮筇  
負笠出復沒喜動婦人驚提孩高人何至作狡獪無乃  
翫世聊相詆不然學道窮實際詎捨正大崇奇瓌儒林  
丈人學擅世餘事尚壓蔡與崔名山未死可再到此士

一失難重陪贊府摘山事如織擺撥領客何奇哉境幽  
神愴不可住歸倩玉手傳金盃

朱君有侍兒  
許為客出

擣藥烏

霧中有此鳥鳴聲  
清絕正如杵藥

白髮無情日日生散愁聊復作山行幽禽似欲嘲衰病  
故學禪房杵藥聲

出山

出山似與高人別回首時時一悵然他日再來緣要熟  
遍題名姓綠巖邊

平雲亭

大邑

滿榼芳醪何處傾  
金鰲背上得同行  
天垂綠野三邊盡  
雲與朱欄一樣平  
煙樹微茫疑誤墨  
風松蕭瑟有新聲  
黃花未吐無多恨  
也勝湘纍拾落英

高秋亭

大邑

三日山中醉復醒  
徑歸回首愧山靈  
從今惜取觀書眼  
長看天西萬疊青

九日小疾不出

病厭追遊嬾舉觴今年閉戶作重陽香煙裊裊閒紫几  
書卷紛紛靜滿牀斜日更增秋慘淡黃花應怪客淒涼  
長安光景還如昨誰醉城南杜曲旁

昔官都下每以九  
日遊西湖諸寺

九日試霧中僧所贈茶

少逢重九事豪華南陌雕鞍擁鈿車今日蜀州生白髮  
瓦爐獨試霧中茶

我有美酒歌

我有美酒起自斟勸君一卮為君吟素衣未遂京塵化

綠鬢已受吳霜侵三巴塗路何欽崙五溪霧潦多毒淫  
虎豹夜嘯裂崖谷魑魅晝出矜山林身如槁葉墮幽穽  
窅窅何啻千尺深無因剖胃出此心一寸孤忠天實臨

次韻師伯渾見寄

窮鄉久容易消魂短髮秋來白幾分夢泛扁舟鏡湖月  
身騎瘦馬劒關雲萬釘寶帶知何用九轉金丹幸有聞  
欲與先生同此計會營茅舍近江濱

伯渾隱龍山僕亦有結茅葺津之意

自江源過雙流不宿徑行之成都

斷笳飄飄挂渡頭臨江立馬喚漁舟少城已破繁華夢  
老境聊尋汗漫遊斜日驛門雙堠立早霜風葉一林秋  
詩材滿路無人取準擬歸驂到處留

過綠楊橋

過縣東馳十里遙行吟不覺度谿橋磴輪激水無時息  
酒旆迎風盡日搖半掩店門燈煜煜橫穿村市馬蕭蕭  
秦吳萬里行幾遍莫恨尊前綠鬢凋

五鼓自笳橋入府



曉月有餘光秋樹無濃影野烟浩無際陂路行愈永堰  
聲何澎湃露氣正淒冷忽然客愁破更覺詩律整昔人  
千載意忙裏一笑領山林豈難歸吾計自不猛

客多福院晨起

萬鯨傳響徹修廊喚起衰翁曉夢長萬事可憐隨日出  
一生常是伴人忙馳驅深厭交飛蓋息偃何時靜炷香  
四到錦城身愈老更堪重入少年場

雨中出謁歸晝卧

宿雨盈車轍秋風漲帽扇愛閒惟兀兀應俗苦紛紛病  
眼添花暈醜顏散纈紋歸來炷香卧窗底看微雲

長歌行

人生不作安期生醉入東海騎長鯨猶當出作李西平  
手梟逆賊清舊京金印煌煌未入手白髮種種來無情  
成都古寺卧秋晚落日偏傍僧窗明豈其馬上破賊手  
哦詩長作寒螿鳴興來買盡市橋酒大車磊落堆長餅  
哀絲豪竹助劇飲如鉅野受黃河傾平時一滴不入口

意氣頓使千人驚國讎未報壯士老匣中寶劍夜有聲  
何當凱還宴將士三更雪壓飛狐城

夜食炒栗有感

漏舍待朝朝  
士往往食此

齒根浮動歎吾衰山栗炮燂療夜飢喚起少年京輦夢  
和寧門外早朝歸

秋夜懷吳中

秋夜挑燈讀楚辭昔人句句不吾欺更堪臨水登山處  
正是浮家泛宅時巴酒不能消客恨蜀巫空解報歸期

金  
卷五  
灞橋煙柳知何限誰念行人寄一枝

遊三井觀

三井久知名暇日偶一訪棟宇壞欲盡基址尚闕壯畫  
牆皆國工煙雲儼天仗旌旄亞戈戟佩玉雜弓韞太古  
實傑作筆落九天上吳生名擅世睥睨未肯讓規模遠  
有考意象豪不放最奇老癯仙骨立神愈王石恪雖少  
怪用筆亦跌宕兩姝淡蛾眉非復火食狀塵埃久侵蝕  
風雨無蓋障好事未易逢寧能久亡恙雍洛劫火餘妙

迹盡凋喪斯遊恐難繼佇立增悄愴

僊遊閣

張公一去二百載傑閣依然橫靄中徙倚看碑仍看畫  
時聞柏子落秋風

寓居小菴纔袞文戲作

早衰甚畏寒颼颼厭空館登閣望東菴亭亭長一繖欣  
然願暫寓竹底門可欵外看磔蝟毛仰視覆鵠卵席纔  
置錐地牖若窺天管瓦爐香不去管寢衾易暖頗疑漁

菴結又類土室竅家具止囊衣弛擔著亦滿客來勿嗤  
陋老我善用短猶能設胡牀相喚共茗椀


送華師從劔州張秘書之招

三年相伴錦江頭一日翩然不可留官冷蓬門無客戀  
時清劔閣有僧遊關山默數來時路風月懸知別後愁  
禪版經龕有餘暇頻登高處望西州

劔南詩彙卷五

謹案第二頁前八行徑幽螢闔開按唐宋詩醇闔

開作開闔



總校官庶吉士臣張能照

校對官庶吉士臣章宗瀛

謄錄監生臣張廼理



欽定四庫全書薈要

集部

劍南詩藁卷六

六七

詳校官助教臣謝登雋



欽定四庫全書薈要卷一萬五千四百九十六

集部

劔南詩彙卷六

宋 陸游 撰

江上對酒作

把酒

不能飲苦淚滴酒觴醉酒蜀江中和淚下荆楊樓

櫓壓湓口山川蟠武昌石頭與鍾阜南望鬱蒼蒼戈船  
破浪飛鐵騎射日光彼來即送死詎能犯金湯汴洛我  
舊都燕趙我舊疆請書一尺檄為國繫名王

自嘲

華子中年百事忘，嵇生仍坐嬾為妨。  
病於榮宦冥心久，老向端閒得味長。  
對客欲談還憤憤，讀書纔過已茫茫。  
青氈帳暖黃紬穩，聊借東菴作睡鄉。

算歸馬上作

石筍街頭日落時，銅壺閣上角聲悲。  
不辭與世終難合，惟恨無人處見知。  
寶馬俊遊春浩蕩，江樓豪飲夜淋漓。  
醉來剩欲吟梁父，千古隆中可與期。

臨別成都帳飲萬里橋贈譚德稱

成都城南萬里橋，蘆根蘋末風蕭蕭。  
映花碾草鉤車小，駐坡驀澗青驄驕。  
入門翠徑絕窈窕，臨水飛觀何峩峩。  
判無功名著不朽，惟仗詩酒寬亡聊。  
迎霜早已足雉兔，微冷便欲思狐貂。  
喜看縷膾映盤箸，恨欠斫蟹加橙椒。  
坐中譚侯天下士，龍馬毛骨矜超遙。  
烏犀白紵謫僊樣，但可邂逅不可招。  
今年一戰馘餘子，風送六翮凌青霄。  
美人再拜乞利市，醉墨飛落生蛟綃。  
我衰於世百無用。

十年不趁含元朝華纓肯傍蕭颯鬢寶帶那束龍鍾腰  
祝君好去事明主日望分喜來漁樵遊談引類亦細事  
寄酒且解相如消

夜宿二江驛

雞鳴原前風折樹夜到雙流雨如注樺皮溼透點不明  
旋設篝爐燎衣袴重城回首一夢散錦障羶車渺無處  
新聲猶傍耳邊來殘酒半隨風力去飛觴縱飲亦何樂  
憤憤不堪長閉戶丈夫要為國靖邊俗子豈識吾所寓

涉白馬渡慨然有懷

我馬顧影嘶忽涉白馬津雖非黃河上撫事猶悲辛太  
行之下吹邊塵燕南趙北空無人袁曹百戰相持處鐵  
騎堂堂自來去

瑞草橋

柘葉颼颼雪意驕檐頭雙兔遇歸樵宿醒未解題詩嬾  
虛過風流瑞草橋

將之榮州取道青城

倚天山作海濤傾看遍人間兩赤城

青城山一名赤城而天台之赤城乃

予舊遊

自笑年年隨宦牒不如處處得閒行草痕沙際猶

餘綠楓葉霜餘已帶頰歸去還堪詫兒輩錦囊三十六  
崢嶸

丈人觀

黃金篆書扁朱門夾道巨竹屯蒼雲崖嶺劃若天地分  
千柱耽耽壓其垠纓冠肅謁丈人君廣殿空庭吹寶熏  
摩挲畫橋手為輟異哉山苑與土簾物怪巖巖冠丘墳

仙人佩玉雜幌兮手整貂冠最不羣欲去不忍恨日曛  
道翁采藥晝夜勤松根茯苓獲無斤人之植立彊骨觔  
狗起羣吠聲狺狺山爐小甌吹幽芬朱顏不飲常自醺  
我亦宿誦五千文一念之差隨世紛逝將從翁走如麋  
隱書祕訣何由聞

題丈人觀道院壁

斷香浮月磬聲殘木影如龍布石壇偶駕青鸞塵世窄  
閒吹玉笛洞天寒奇香滿院晨炊藥異氣穿巖夜浴



丹却笑飛仙未忘俗金貂猶著侍中冠

孫太古畫范長生作舉手整貂

蟬像神氣尤奇逸

### 宿上清宮

九萬天衢浩浩風此身真是一枯蓬盤蔬采掇多靈藥

閣道攀躋出半空累盡神僊端可致心虛造化欲無功

金丹定解幽人意散作山椒百炬紅

夜中山谷火煜然俗謂聖燈意古藏

丹所化也

自上清延慶歸過丈人觀少留

再到蓬萊路欲平却吹長笛過青城空山霜葉無行迹  
半嶺天風有嘯聲細棧跨雲縈峭絕危橋飛柱挿澄清  
玉華更控青鸞住要倚欄干待月明

玉華樓名

### 長生觀觀月

碧天萬里月正中清夜弭節長生宮廣寒忽墮人間世  
但怪步虛聲散瑤臺空四山沉沉萬籟寂天矯髯龍舞  
娛客弭貂老仙期不來獨倚欄干吹玉笛道人不怕九  
霄寒銀闕冰壺處處看天台四萬八千丈明年照我扶

藜杖

儲福觀

唐王真公主  
修真之地

路轉屏風疊雲藏帝子家窮幽行輦確息倦倚槎牙綠  
蘚封茶樹清霜折藥花世無勾漏令誰此養丹砂

龍門洞

我來香積寺清晨歷龍門孤峰撐蒼昊大壑裂厚坤古  
穴吹腥風峭壁挂爪痕水浮石楠花崖絡菖蒲根橫策  
意未饜寒裳探其源絕境豈可名恨我詩語煩須臾蒼

雲合便恐白雨翻東走得平野萬里扶桑暎

布金院

萬里西來了宿緣憑鞭歌帽過年年山寒院落開爐月  
霜重郊原斲芋天淺碧鱗鱗人度約長空杳杳鳥衝烟  
夜投蕭寺清無寐樓角三更月滿川

離堆伏龍祠觀孫太古畫英惠王像

岷山導江書禹貢江流蹴山山為動嗚乎秦守信豪傑  
千年遺迹人猶誦決江一支溉數州至今禾黍連雲種

孫翁下筆開生面，  
髮業高冠摩屋棟。  
徙木遺風雖峭刻，  
取材尚足當世用。  
寥寥後世豈乏人，  
尺寸未施讒已衆。  
要官無責空賦祿，  
軒蓋傳呼真一閥。  
奇勲偉績曠世無，  
仁人志士臨風慟。  
我遊故祠九頃首，  
夜遇神君了非夢。  
披雲激電從天來，  
赤手騎鯨不施鞚。

登灌口廟東大樓觀嶠江雪山

我生不識柏梁建章之宮殿，  
安得義冠侍遊宴。  
又不及身在滎陽京索間，  
擐甲橫戈夜酣戰。  
胷中迫隘思遠遊，

沂江來倚岷山樓千年雪嶺闌邊出萬里雲濤坐上浮  
禹迹茫茫始江漢疏鑿功當九州半丈夫生世要如此  
齋志空死能無歎白髮蕭條吹北風手持卮酒酹江中  
姓名未死終磊磊要與此江東注海

郾縣道中思故里

衰髮不勝簪馳驅豈復堪客魂迷劒外歸思滿天南江  
路灘聲壯雲停雪意酣空懷小叢碧細酌破吳柑  
宿江原縣東十里張氏亭子未明而起

寸廩驅人卒歲勞一官坐失布衣高  
劒南十月霜猶薄江上五更雞亂號  
孤枕擁衾尋短夢青燈照影著征袍  
客愁相續無時斷那得并州快剪刀

戲詠西州風土

衍沃綿千里融和被四時  
蠶叢角歌吹石室盛書詩  
綠樹藏漁市清江遶佛祠  
吾行更堪樂載酒上墓頭

宿彭山縣通津驛大風隣園多喬木終夜有聲

木欲靜風不止子欲養親不留夜  
誦此語涕莫收吾親

之沒今幾秋尚疑捨我而遠遊心冀乘雲反故丘再拜  
奉觴陳膳羞陶盎治米聲叟叟木甑炊麴香浮浮芼薑  
屑桂調甘柔稚鼈煮臠長魚脯夜敷枕席視衾裯晨  
起重籠進衣裘哀樂此志終莫酬有言不聞九泉幽北  
風歲晚號松楸哀哉萬里為食謀

眉州郡燕大醉中間道馳出城宿石佛院

玻璃春作江水清紫玉簫如雛鳳鳴漏聲不聞看炷燭  
俠氣未減欺飛觥單車萬里信有數二年三過寧忘情



釵頭玉茗妙天下

坐上見白山茶格韻高絕

瓊花一樹真虛名酒酣忽

作檀公策間道絕出東關城清歌未斷去已遠回首樓  
堞空崢嶸貂裘狐帽醉走馬陌上應有行人驚徑投野  
寺睡正美魚鼓忽報江天明

雙柏

雙柏屹相向剛嚴如巨人龍吟風雨夕山立雪霜晨閱  
世易成古剎心不復春扶顛要力量歲晚莫全身

戍卒說沉黎事有感

亭障曾無閱歲寧頻聞蕃落犯王靈孤城月落冤魂哭  
百里風吹戰血腥瘴重厭看茅葉赤春殘不放柳條青  
焦頭爛額知何補弭患從來貴未形

平羌道中望峩眉山慨然有作

白雲如玉城翠嶺出其上異境忽墮前心目久蕩漾別  
來二百日突兀喜亡恙飛僊遙舉手喚我一稅鞅此行  
豈或使屏迹事幽曠何必故山歸更破萬里浪

次韻何元立都曹贈行

元立用陳後山  
送蘇公詩韻

嘉榮東西川此別不為遠徘徊凌雲寺決去未遽忍登  
高望故人煙樹參差見懸知今日夢不隔重城鍵平生  
相從意百年有未滿結巢青城雲期子在歲晚

次韻楊嘉父先輩贈行

貞元舊朝士太學老諸生半世不偶諧殘年正飄零危  
坐但愁悲一笑黃河清佳客如晨星俗子如春萍奇哉  
今日事諸賢送東征吸酒盃當空綴詩筆勿停明發復  
百憂君聽馬蹄聲

入榮州境

一起一伏黃茅岡崔嵬破丘狐兔藏炯炯寒日清無光  
單單終日行羊腸村落聚看如驚麀亦有銀釵伏短牆  
黃旗翻翻鼓其鏜畫角嗚咽吹斜陽長筒汲井熬雪霜  
轆轤咿啞官道傍渺然孤城天一方傳者或云古夜郎  
其民簡朴士甚良千里鬱為詩書鄉閉閭掃地焚清香  
老人處處是道場

井研道中

窮冬景方促下嶺路微平地瘦竹無葉風乾茅有聲客  
遊空自歎歸計與誰評尚喜長亭下雲穿夕照明

賴牟鎮早行

孤燈照影聽初雞攬轡情懷倍慘淒雪作未成雲意鬧  
茅荒無際客魂迷觸寒手指藏猶裂畏嶮圖書棄不攜  
老去有文無賣處等閒題遍蜀東西

初到榮州

亂山缺處城樓呀雙旗蕭蕭晚吹笳煙深綠桂臨絕壑

霜落殘瀨鳴寒沙廢臺已無隱士嘯遺宅尚有高人家  
鈴齋下榻約僧話松陰枕石放吏衙盃羹最珍慈竹筍  
鉗水自養山薑花地爐堆獸熾石炭瓦鼎號蚓煎秋茶  
少年遠遊無百里一飢能使行天涯豈惟慣見蓬婆雪  
直恐遂泛星河槎故巢肯作兒女戀異境會向鄉閭誇  
一盃徑醉幘自墮燈下髮影看鬢髻

城上

雙雙黃犢卧斜陽葉葉丹楓著早霜沙水自鳴如有恨

野花無主為誰芳  
野筒味醞愁濡甲  
巴曲聲悲怯斷腸  
賴有生平管城子  
不妨驅使答風光

又

濯錦豪華夢不通  
歸然孤壘亂山中  
行歌滿道知人樂  
露積連村見歲豐  
萬瓦新霜掃殘瘴  
一林丹葉換青楓  
鵝黃名醞何由得  
且醉盃中琥珀紅

榮州酒赤而勁甚  
鵝黃廣漢酒名

西樓夕望

夜郎城裏歎途窮  
賴有西樓著此翁  
溪鳥孤飛寒靄外

野人參語夕陽中  
蒼天可恃何曾老  
白髮緣愁却未公  
俗態十年看爛熟  
不如畱眼送歸鴻

醉中懷眉山舊遊

勁酒少和氣  
哀歌無歡情  
故鄉不敢思  
登高望錦城  
錦城那得去  
髣髴墓廬遙  
知尊前人指  
我題詩處  
我雖流落夜  
郎天遇酒  
能狂似少年  
想見東郊  
攜手日  
海棠如雪  
柳飛綿

漢嘉術者袁牧童謂予  
明年春分後當還西州

登城望西崦



登城望西崦數家斜照中柴荆晝亦閉乃有太古風慘  
淡起炊煙寂歷下釣筒土瘦麥苗短霜重桑枝空恐是  
種桃人或有采芝翁何當宿樓上月明照夜春

甲午十一月十三夜夢右臂踊出一小劒長八九  
寸有光既覺猶微痛也

少年學劍白猿翁曾破浮生十歲功玉具挂頤誰復許  
崩縲彈缺老猶窮牀頭忽覺蛟龍吼天上方驚牛斗空  
此夢怪奇君記取佩刀猶得世三公

齊中夜坐有感

荒山為城溪作壕風鼓巨木聲翻濤鷗臬棄屋彈不去  
狐狸欺人怒豎毛雨來紅鶴更可惡爭巢一似嬰兒號  
城孤屋老草木茂正坐人少此輩豪急呼伍伯具畚鍤  
欲掀窟穴窮腥臊忽然語罷却自笑殘年何至與汝鏖  
浣花江色綠如黛春波灩灩浮輕舸行當繫纜柳陰下  
仰聽鶯語傾香醪

晚登橫溪閣

樓鼓聲中日又斜，憑高愈覺在天涯。  
空桑客土生秋草，野渡虛舟集晚鴉。  
瘴霧不開連六詔，俚歌相答帶三巴。  
故鄉可望應添淚，莫恨雲山萬疊遮。

又

犖确坡頭筇竹枝，西臨村路立多時。  
賣蔬市近還家早，

煮井人忙下麥遲。

柴多鹽井秋冬  
收薪茅取急

病客情懷常怯酒，山

城老景盡供詩。晚來試問愁多少，只許高樓橫笛吹。

昭德堂晚步

笑喚枯筇蹋夕陽探春聊作靜中忙  
高枝鵲語如相命幽徑梅開祇自香  
苔蝕斷碑驚世換鐘來廢寺覺城荒  
謫仙未必無遺恨老欠題詩到夜郎

龍洞

在榮州東南一里許

峭崖磨天如立壁枿根橫走松倒植呀然一岫驚  
倒人空洞坡陀三百尺幽陰宜為異物託角爪痕存猶可識  
想當蟠螭未奮時腥風逼人雲觸石一朝偶為旱歲起  
卷海作雨飛霹靂向來伊呂正如此莘渭千年有遺迹

我欲酌酒招蜿蜒安用辛苦常行天太平海內多豐年  
歸來故祠聽管弦

客中夜寒戲作長謠

孤翁癡鈍如寒蠅霜夕不暝愁嚴凝寢衣觸體起芒粟  
鼻息噓潤成冰凌皤皤默數嚴譙鼓耿耿獨看幽窗燈  
支牀龜老共夜永號月雞冷同晨興白狐紫貂了不暖  
何況蜀錦并吳綾靜思忽得安樂法人生所欠絮與繒  
十年一衲尚可過不信請視匡山僧

高齋小飲戲作

梅花又發鬼門關，坐覺春風萬里寬。  
荔子陰中時縱酒，竹枝聲裏彊追歡。  
丁年漢使殊方老，子夜吳歌昨夢殘。  
白帝夜郎俱不惡，兩公補處得憑欄。

予五年間  
自夔客榮

太液黃鵠歌

有引

漢始元元年春二月黃鵠下建章宮太液池中  
公卿上壽賜諸侯王列侯宗室金錢予夜讀漢  
書追作歌一首

建章宮裏春風寒太液水生池面寬中人馳奏黃鵠下  
龍旗豹尾臨池看芹香藻暖鵠得意左右從官呼萬歲  
須臾傳詔宴公卿驩聲如雷動天地時平宮省遊樂多  
黃鵠刷羽涵恩波小臣珥筆龍墀下願繼前朝天馬歌  
自唐安徙家來和義出城迎之馬上作

身如林下僧處處常寄包家如梁上鷺歲歲旋作巢豈  
惟人所憐顧影每自嘲眼看佳山水不得結把茅造物  
困豪傑如視餓虎哮要令出精神感激使叫喚頗思投

筆去走馬盤雲旂三更冒急雪大戰梁楚郊

乙未元日

除夕得制司  
檄催赴官

五十人間老大身更堪從此數新春  
鼙鼙漏鼓催窗色急急文書動驛塵  
病後先陰常自惜客中節物為誰新  
壯心只向郵亭盡自揣頭顱莫問人

別榮州

正月  
十日

浮生歲歲俱如夢一枕輕安亦可人  
偶落山城無事處暫還老子自由身  
嘯臺載酒雲生屨僊穴尋梅雨墊巾



便恐清遊從此少錦城車馬漲紅塵

嘯臺在富義門外一里號孫登嘯臺

雙溪王氏有石穴黃太史勝曰地仙洞

### 聞仲高從兄訃

去國萬里遊發書三日哭久矣吾已衰衰哉公不淑寄  
書墨未乾玉立在我目天高鬼神惡生世露電速丹心  
抱忠貞白首悲放逐九閻不可叫百身何由贖文章果  
何罪一斥獨不復上壽阿母前悔不早碌碌

### 夏日過摩訶池

烏帽翩翩白紵輕  
摩訶池上試閒行  
淙潺野水鳴空苑  
寂歷斜陽下廢城  
縱轡迎涼看馬影  
袖鞭尋句聽蟬聲  
白頭散吏元無事  
却為興亡一愴情

早行

笻馬踐槐影  
紗籠吹蠟香  
憑鞭尋斷夢  
側帽受微涼  
病骨更疎放  
衰懷罷激昂  
道邊雙石筍  
笑我伴人忙

天中節前三日  
大聖慈寺華嚴閣  
燃燈甚盛遊人  
過於元夕

萬瓦如鱗百尺梯遙看突兀與雲齊  
寶簾風定燈相射綺陌塵香馬不嘶  
星隕半空天宇靜蓮生陸地客心迷  
歸途細踏槐陰月家在花行更向西

予官居在花行距寺數里

喜雨

五月二十日

黃塵赤日欲忘生一夜新涼滿錦城  
雨急驟增車轍水泥深漸壯馬蹄聲  
蚊蠅斂迹知無地燈火於人頓有情  
市遠雞豚不須問小畦稀甲已堪烹

夜聞浣花江聲甚壯

浣花之東當笱橋  
犇流齧橋橋為搖  
分洪初疑兩蛟舞  
觸石散作千珠跳  
壯聲每挾雷雨橫  
巨勢潛借鼃鼉驕  
夢回聞之坐太息  
鐵衣何日東征遼  
銜枚度磧沙颯颯  
盤槩斷隴風蕭蕭  
不然投檄徑歸去  
短篷卧聽錢塘潮  
暑行憇新都驛

細細黃花落古槐  
江皋不雨轉輕雷  
長空烏破蒼煙去  
落日人從綠野來  
散策閒行尋水石  
脫巾高卧避氛埃  
羈遊未羨端居樂  
看月房湖又一回

早發新都驛

喔喔江村雞迢迢縣門漏  
河漢縱復橫繁星明如晝  
愛涼趣上馬未曉閱兩堠  
高林起宿鳥絕澗落驚狖  
寺樓插蒼煙沙泉瀉幽竇  
我行忽萬里坐歎關河溜  
官如廣文冷面作拾遺瘦  
今年盍歸哉勿落春雁後

謁諸葛丞相廟

彌牟八  
陳原上

漢終四百天所命老賊方持太阿柄  
區區梁益豈足支不忍安坐觀異姓  
遺民亦知王室在閏位那干天統正

公雖已沒有神靈猶假賊手誅鍾鄧前年我過沔陽祠  
再拜奠俎哀淚迸潔齋請作送迎詩精忠大義神其聽  
自漢州之金堂過沈氏竹園小憇坐間微雨

修修萬竹壓康莊碧玉掾園一尺彊雪節煙梢誰暇賞  
馬蹄車轍可憐忙帽邊忽墮吹香句肘後舊傳醫俗方  
更覺清遊天所惜坐來飛雨度橫塘

自小雲頂上雲頂寺

素衣雖成緇不為京路塵躍馬上雲頂欲呼飛仙人飛

仙不可呼野僧意甚真煎茶清樾下童子拾墮薪我少  
本疎放一出但坐貧縛袴屬橐鞬哀哉水雲身此地雖  
暫寓失喜忘吟呻故溪歸去來歲晚思鱸蓴

馬上微雨

三日觸毒暑衣垢背汗浹今旦殊蕭然涼雨吹醉頰瘦  
松無橫枝蠹竹少全葉渚蓮乃可念泣泣如放妾豈惟  
人意適我馬亦振鬣遠村有歸人清溪爭晚涉

彌牟鎮驛舍小酌

郵亭草草置盤盂買果煎蔬便有餘自許白雲終醉死  
不論黃紙有除書角巾墊雨蟬聲外細葛含風日落初  
行遍天涯身尚健却嫌陶令愛吾廬

遊彌牟菩提院庭下有凌霄藤附古楠其高數丈  
花已零落滿地

絳英翠蔓亦佳哉零亂空庭碼瑙盃遍雨新花天有意  
定知閒客欲閒來

佛經云天風吹萎  
花更雨新好者

樓上醉歌



我遊四方不得意，佯狂施藥成都市。  
大瓢滿貯隨所求，聊為疲民起憔悴。  
瓢空夜靜上高樓，買酒捲簾邀月醉。  
醉中拂劒光射月，往往悲歌獨流涕。  
剗却君山湘水平，斫却桂樹月更明。  
太白詩剗却君山好平鋪湘水流  
老杜詩斫却月中桂清光應更多  
丈夫有志苦難成，修名未立華髮生。

伏日獨遊城西

幕府重來老令威，山川良是昔人非。  
癡兒已遣了官事，伏日元知當早歸。  
避熱幽花房自斂，迎秋高樹葉先飛。

論詩敢補先師處僭拂江頭舊釣磯

五鼓送客出城馬上作

夜漏餘十刻涼颼如九秋灘聲聒酒醒月色照人愁落  
魄悲孤宦龍鍾怯遠遊此生那可料六歲劔南州

寓舍書懷

借得茅齋近笱橋羈懷病思兩無聊春從豆蔻梢頭老  
日向檣蒲齒上消叢竹曉兼風力橫高梧夜挾雨聲驕  
書生莫倚身常健未盡凌煙鬢已凋

夜登城樓

上天何蒼蒼四序浩旋幹異哉今年熱炊鬻不可活夜  
分睡復起搖簾腕欲脫彊登城西樓月露渺空闊憑欄  
弄清影涼颼入蕉葛溼螢沾草根驚鶻起木末亦知難  
久留襟抱資一豁人事迭廢興天理交予奪義和不停  
馭去若弦上筈此熱會當衰歲晚備裘褐

試茶

蒼爪初驚鷹脫鞵得湯已見玉花浮睡魔何止避三舍

歡伯直知輸一籌日鑄焙香懷舊隱谷簾試水憶西遊  
銀餅銅碾俱官樣恨欠纖纖為捧甌

成都大閱

千步毬場爽氣新西山遙見碧嶙峋令傳雪嶺蓬婆外  
聲震秦川渭水濱旗脚倚風時弄影馬蹄經雨不霑塵  
屬橐縛袴母多恨久矣儒冠誤此身

書懷

萬里馳驅坐一飢自憐無計脫塵鞿身畱幕府還家少

眼亂文書把酒稀客路更逢秋色晚故山空有夢魂歸  
芋羹豆飯元堪飽錯用人言恨子威

遊大智寺

脫髮紛滿梳衰顏不堪照百年忽已半去日如過燒平  
生功名心上馬無燕趙爾來閱世故萬事驚錯料豈無  
舊朋儔聯翩半廊廟誰能伴此老沂峽聽猿叫錦城得  
數公意氣如再少偷閒訪野寺繫馬追一笑新糟厭玉  
狸畏酒亦復醕古殿鼉鼉豪壞壁冠佩肖摩挲宋公詩

句法歎高妙正如霓裳曲零落得遺調歸途繚長堤掠  
面霜氣峭佳遊不可忘落筆君勿誚

看月睡晚戲作

香火課夙興風月留晚睡直言散吏閒亦未盡無事舊  
聞雲臺翁高枕閱塵世至今青嶂間鼻息亂松吹平生  
寡嗜好所願究此味千年一欠伸笑看巖花墜

成都書事

劔南山水盡清暉濯錦江邊天下稀煙柳不遮樓角斷

風花時傍馬頭飛  
菱筍似稽山美斫  
膾魚如笠澤肥  
客報城西有園賣  
老夫白首欲忘歸

又

大城少城柳已青  
東臺西臺雪正晴  
鶯花又作新年夢  
絲竹常聞靜夜聲  
廢苑煙蕪迎馬動  
清江春漲拍堤平  
尊中酒滿身彊健  
未恨飄零過此生

雙溪道中

曉山笳橋門天低  
日未暝綠陂寒淡  
淡白霧遠昏昏古

路亂車轍行人驚雁羣征塗不須厭蓬轉本無根

牛飲市中小飲呈坐客

牛飲橋頭小市東店門擊馬一尊同已能自置功名外  
尚欲相期意氣中褐擁紫茸迎曉日酒翻紅浪醉春風  
從今共約無疎索竹外梅花欲惱公

自警

乳烹佛粥遽如許菜簇春盤行及時草木欣欣渠得意  
乾坤浩浩我何私懷材所忌多輕用學道當從不自欺



旦莫置規君勿怪修身三省自先師

午寢

眼澀朦朧不自支久伸常恨到牀遲  
庭花著雨晴方見野客敲門去始知  
灰冷香煙無復在湯成茶碗徑須持  
頽然却自嫌疏放旋了生涯一首詩

白髮

我生實多邇九折行晚途憂傷日熏心  
驚見頰與顙稍生秋風時競出寒雨餘  
星星初尚稀皤皤不可除昔如

春柳妍今作霜蓬枯蓬枯有再綠念我豈得如平昔樂  
方外固與功名疏投鐻三歎息金丹豈無書

明日午睡至暮復次前韻

酒力醺然入四支華胥稅駕不應遲殘年已覺衰難彊  
萬事無如睡不知幸有琴書供枕籍安能冠帶更支持  
紅爐過盡灰如雪獨守青燈坐畫詩

醉中長歌

闌干斗柄搖天東人間一夜回春風注桃染柳歲相似

惟我衰顏非昔紅，可憐逢春不自感。  
更欲使氣驚兒童，煙郊射雉錦臆碎。  
水亭供鱸金盤空，歸穿南市萬人看。  
流星突過連錢驄，高樓作歌醉自寫。  
墨光燭焰交長虹，人生未死賢適意。  
萬里作客元非窮，故人夜直金鑾殿。  
僵卧獨聽宮門鐘。

對酒

扇邊生怕庾公塵，索笑來遊錦水濱。  
四野雲齊初釀雪，一枝梅動已催春。  
綠尊有味能消日，白髮無情不貸人。

商略此生何所恨  
太平時得自由身

人日飲昭覺

天涯羈旅逢人日  
病起消搖集寶坊  
雪水初融錦江漲  
梅花半落綠苔香  
家山松挂年年長  
幕府文書日日忙  
自笑餘生有幾許  
一菴借與得深藏

上元前一日

異縣客遊久  
今年春事遲  
峭寒增酒價  
微雨惱燈期  
老態人未覺  
孤愁心自知  
停車呼病婦  
彊出伴諸兒

上元

細細香塵暗六街魚鱗淺碧暮雲開  
新粧褰幕全身見  
誤馬隨車一笑回酒釀頓忘風力峭  
夜長猶恨漏聲催  
京華舊侶彫零盡短鬢成絲心未灰

又

病起衰顏非昔紅偷閒聊與少年同  
一規寒玉挂樓角  
十點華星來坐中久戍遺民雖困弊  
承平舊鎮尚繁雄  
歸時瘦馬崔嵬影定有遊人笑此翁

喜譚德稱歸

少鄙章句學所慕在經世諸公薦文章頗恨非素志一朝落江湖爛漫得自恣討論極王霸事業窺莘渭孔明景畧間却立頗眦睨從人無一欣對食有三喟譚侯信豪雋可共不朽事天涯再相見握手更拭淚欲尋西郊路斗酒傾意氣浩歌君和我勿作尋常醉

春感

少時狂走西復東銀鞍駿馬馳如風眼看春去不復惜

只道歲月來無窮初遊漢中亦未覺一飲尚可傾千鍾  
叉魚狼藉漾水濁獵虎蹴蹋南山空射棚命中萬人看  
毬門對植雙旗紅華堂却來弄筆硯新詩醉草誇坐中  
劒關南山纔幾日壯氣摧縮成衰翁雪霜蕭颯已滿鬢  
蛟龍鬱屈空蟠甃隣園杏花忽爛漫推枕彊起隨遊蜂  
遶看百匝幾歎息吹紅洗綠行怱怱莫年逢春尚有幾  
常恐春去尋無踪青錢三百幸可辦且判爛醉酤郢筒  
春晴暄甚遊西市施家園

稅駕名園半日留遊絲飛蝶晚悠悠驟暄不為海棠計  
長晝只添鸚鵡愁老去自驚詩酒減客中偏覺歲時遒  
東風好為吹歸夢著我松江弄釣舟

花時遍遊諸家園

看花南陌復東阡曉露初乾日正妍走馬碧雞坊裏去  
市人喚作海棠顛

又

為愛名花抵死狂只愁風日損紅芳綠章夜奏通明殿



乞借春陰護海棠

又

翩翩馬上帽簷斜  
盡日尋春不到家  
偏愛張園好風景  
半天高柳卧溪花

又

花陰掃地置清尊  
爛醉歸時夜已分  
欲睡未成歌倦枕  
輪囷帳底見紅雲

又

宣華無樹著啼鴛惟有摩訶春水生故老能言當日事  
直將宮錦裏宮城

又

枝上猩猩血未晞尊前紅袖醉成圍應須直到三更看  
畫燭如椽為發輝

又

重萼丹砂品最高可憐寂寞棄蓬蒿會當車載金錢去

買取春歸亦足豪

小東門外有千葉朱砂海棠一株  
奇麗絕代在荒園中人罕見者

又

絲絲紅萼弄春柔不似疎梅只慣愁常恐夜寒花索寞  
錦茵銀燭按涼州

又

飛花盡逐五更風不照先生社酒中輸與新來雙燕子

啣泥猶得帶殘紅

今年二月二日社而海棠已過

又

海棠已過不成春絲竹淒涼鎖暗塵眼看燕脂吹作雪

不須零落始愁人

曉過萬里橋

曉出錦江邊長橋柳帶煙豪華行樂地芳潤養花天擁  
路看歌帽窺門笑墜鞭京華歸未得聊此送流年

自合江亭涉江至趙園

政為梅花憶兩京海棠又滿錦官城鴉藏高柳陰初密  
馬涉清江水未生風掠春衫驚小冷酒潮玉頰見微頰  
殘年飄泊無時了腸斷樓頭畫角聲

春晴

一庭舞絮鬪身輕  
百尺遊絲弄午晴  
靜喜香煙縈曲几  
卧驚玉子落紋枰  
新春易失遽如許  
薄宦忘歸何似生  
安得一船東下峽  
江南江北聽鶯聲

劔南詩藁卷六